



Agency for Development of Higher Education and Quality Assurance of Bosnia and Herzegovina

Broj: 05-33-2-251-8/20  
Banja Luka, 16.11.2020. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Univerzitet „Bijeljina“, Bijeljina**, na osnovu prijedloga Agencije za akreditaciju visokoškolskih ustanova Republike Srpske, direktor Agencije za razvoj visokog obrazovanja i osiguranje kvaliteta Bosne i Hercegovine donosi

### R J E Š E N J E

**o imenovanju Komisije domaćih i međunarodnih stručnjaka  
koji daju ocjenu i obavljaju reviziju kvaliteta i daju preporuke o akreditaciji  
visokoškolske ustanove Univerzitet „Bijeljina“, Bijeljina**

1. Imenuje se Komisija domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljnjem tekstu: Komisija stručnjaka) u postupku akreditacije visokoškolske ustanove **Univerzitet „Bijeljina“, Bijeljina**, u sljedećem sastavu:
  - 1) Prof. dr Radoslav Grujić, predstavnik akademske zajednice – predsjednik Komisije stručnjaka;
  - 2) Dženan Omanović, predstavnik privrede i prakse, član Komisije stručnjaka;
  - 3) Prof.dr Saša Vukmirović, međunarodni stručnjak, član Komisije stručnjaka i
  - 4) Dajana Đurašinović, student, član Komisije stručnjaka.
2. Komisija stručnjaka iz tačke 1. u postupku akreditacije ustanove postupat će na osnovu Okvirnog zakona o visokom obrazovanju u Bosni i Hercegovini (u daljnjem tekstu: Okvirni zakon), Odluke o normama kojima se određuju minimalni standardi u području visokog obrazovanja („Službeni glasnik BiH“, broj 100/11 i 26/19) (u daljnjem tekstu: Odluka o normama), Odluke o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16) i drugih dokumenata Agencije za razvoj visokog obrazovanja i osiguranje kvaliteta Bosne i Hercegovine (u daljem tekstu: Agencija BiH) kojima je uređen postupak akreditacije, kao i propisima Agencije za akreditaciju visokoškolskih ustanova Republike Srpske koji su usklađeni sa Okvirnim zakonom i dokumentima Agencije BiH, uključujući i propise o kvantitativno normiranim kriterijima ljudskih i materijalno-tehničkih resursa neophodnim za rad visokoškolskih ustanova u Republici Srpskoj.
3. Komisija stručnjaka je dužna obavijestiti Agenciju BiH o dogovorenom datumu posjete visokoškolskoj ustanovi, kako bi se dan prije posjete održao sastanak članova Komisije stručnjaka sa predstavnikom Agencije BiH, s ciljem da se skrene pažnja i izbjegnu ranije uočene slabosti u procesu. Na sastanku bi se sa članovima Komisija stručnjaka razgovaralo

o nacionalnim zahtjevima i očekivanjima Agencije BiH kako bi akreditacija ustanove bila realizovana na efektivan i stručan način u skladu sa, pored ostalih pravnih propisa, Odlukom o normama i Odlukom o kriterijima za akreditaciju visokoškolskih ustanova u Bosni i Hercegovini.

4. Komisija stručnjaka dužna je u roku od najduže 30 dana od posjete visokoškolskoj ustanovi u njenom sjedištu u **Bijeljini**, sačiniti nezavisan Izvještaj o eksternoj evaluaciji visokoškolske ustanove koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku, bez oznaka (memorandum, logotip i dr.) koje upućuju na zavisnost rada Komisije stručnjaka od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta i drugih subjekata.
5. Komisija stručnjaka dužna je konačni Izvještaj o eksternoj evaluaciji visokoškolske ustanove dostaviti Agenciji BiH i nadležnoj obrazovnoj vlasti koja je predložila imenovanje Komisije stručnjaka.
6. Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije kojim se preciznije razrađuju prava i obaveze ugovornih strana, utvrđeni tačan iznos naknade za rad Komisije stručnjaka i rok isplate koji ne može biti prije izdavanja preporuku o ishodu akreditacije od strane Agencije BiH.
7. Rješenje stupa na snagu danom donošenja.

### O b r a z l o ž e n j e

Agencija za akreditaciju visokoškolskih ustanova Republike Srpske dostavila je 09.07.2020. godine Prijedlog za imenovanje komisije stručnjaka za akreditaciju visokoškolske ustanove **Univerzitet „Bijeljina“, Bijeljina**, broj: 01/1.3.114-2/19 od 09.07.2020.godine u kojem je predloženo da Agencija BiH imenuje Komisiju stručnjaka koja će obaviti posjetu visokoškolskoj ustanovi **Univerzitet „Bijeljina“, Bijeljina** i na osnovu utvrđenog stanja, dati preporuku o ishodu akreditacije predmetne visokoškolske ustanove.

Cijeneći sadržaj podnesenog prijedloga, a postupajući u skladu s Instrukcijom o načinu imenovanja komisije stručnjaka za akreditaciju, broj 05-02-1-71-1/16 od 28.01.2016.godine Agencija je utvrdila sljedeće činjenično stanje. Na osnovu uvida u Listu stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa, koja je dostupna na internet stranici Agencije, utvrđeno je da se predloženi članovi Komisije nalaze na utvrđenoj Listi stručnjaka. Dalje, provjerom dostupnosti predloženih stručnjaka i sukoba interesa u pogledu visokoškolske ustanove koja je predmet eksterne evaluacije, utvrđeno je da predloženi stručnjaci nisu u sukobu interesa s visokoškolskom ustanovom koja je predmet eksterne evaluacije i da su isti dostupni u narednom periodu u kojem se ima obaviti posjeta visokoškolskoj ustanovi u njenom sjedištu u Bijeljini i sačiniti Izvještaj o eksternoj evaluaciji visokoškolske ustanove.

Komisija stručnjaka u postupku akreditacije visokoškolske ustanove **Univerzitet „Bijeljina“, Bijeljina** dužna je primjenjivati Okvirni zakon kojim su propisane nadležnosti učesnika u postupku akreditacije i Odluku o normama kojom je detaljnije regulisan način rada komisije stručnjaka i sadržaj Izvještaja o eksternoj evaluaciji. Dalje, Komisija stručnjaka dužna je primjenjivati Odluku o kriterijima za akreditaciju visokoškolskih ustanova u Bosni i

Hercegovini kojom su utvrđeni kriteriji čiju ispunjenost provjerava Komisija prilikom posjete visokoškolskoj ustanovi u njenom sjedištu i ocjenu usaglašenosti visokoškolske ustanove sa kriterijima Komisija stručnjaka detaljno opisuje u svom Izvještaju, uzimajući u obzir i uticaj postojećih kvantitativno normiranih indikatora ljudskih i materijalno-tehničkih resursa ustanove na ispunjenost kriterija 5. i 6..

Također, Komisija stručnjaka u svom radu primjenjivat će i zakonske i podzakonske akte koji regulišu oblast osiguranja kvaliteta visokoškolskih ustanova na području Republike Srpske, koji su usklađeni sa Okvirnim zakonom i dokumentima Agencije BiH uključujući i propise o kvantitativno normiranim kriterijima ljudskih i materijalno-tehničkih resursa neophodnim za rad visokoškolskih ustanova u Republici Srpskoj.

Odlukom o normama propisano je da vanjsko osiguranje kvaliteta treba biti organizirano tako da se odluke o kvalitetu donose nezavisno od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta, izbjegavajući bilo koji sukob interesa. Slijedom navedenog, imenovana Komisija stručnjaka, kao nezavisno tijelo, dužna je sačiniti Izvještaj o eksternoj evaluaciji koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku bez oznaka (memorandum, logotip i dr.) koje upućuju na zavisnost tada Komisije stručnjaka od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta i drugih subjekata.

Konačan Izvještaj o eksternoj evaluaciji Komisija stručnjaka dostavlja Agenciji BiH i nadležnoj obrazovnoj vlasti koja je predložila imenovanje. Na osnovu dostavljenog Izvještaja o eksternoj evaluaciji, u kojem je sadržano mišljenje Komisije stručnjaka o ishodu akreditacije visokoškolske ustanove, Agencija daje preporuku o ishodu akreditacije nadležnoj obrazovnoj vlasti na osnovu koje se donosi rješenje o ishodu akreditacije visokoškolske ustanove.


Ovo Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije kojim će se preciznije regulisati prava i obaveze ugovornih strana i utvrditi tačan iznos naknade za rad Komisije stručnjaka, i rok isplate koji ne može biti prije izdavanja preporuke o ishodu akreditacije od strane Agencije BiH.

**Pravna pouka:**

Protiv ovog Rješenja može se izjaviti progovor direktoru Agencije BiH u roku od osam dana od dana prijema.

**Dostavljeno:**

1. Imenovanim članovima Komisije stručnjaka,
2. Agenciji za akreditaciju visokoškolskih ustanova Republike Srpske
3. Visokoškolskoj ustanovi **Univerzitet „Bijeljina“, Bijeljina**
4. Sektoru 05
5. arhivi



**DIREKTOR**  
**Prof. dr. Enver Halilović**